



©STEVE CREITZ - PROPHECYART.COM

**E MANUMALO LAVA LE ALOFA O LE ATUA**

---

“Na ou faalogo foi i le leo tele mai le lagi, ua faapea mai, Faauta, ua faatasi ma tagata le falefetafai o le Atua, e mau foi o ia ma i latou; e fai foi i latou mona nuu, e ia te i latou le Atua lava, o lo latou Atua ia. E soloiesea foi e le Atua loimata uma i o latou mata; e leai foi se toe oti, poo se faanoanoa, poo se aue, e leai foi se toe puapuaga; aua ua mavae atu mea muamua.” (Faaaliga 21:3,4)


---



O le finauga tele, o le fouvale lea a Satani e faasagatau atu i le malo o le Atua, ua vave lava ona oo mai le taimi e muta ai.

E le o faapogisaina i tatou pe o le a faapefea ona faamutaina lenei feteena'iga: O le mea moni e manumalo lava le Atua, ae faatoilaloina Satani.

E oo lava i le auiliiliina o taua mulimuli o loo manino lava ona faamatalaina mai i le Tusi Paia



- ➡ Taimi o le tiga ma le sa'olotoga
- ➡ Taimi o le fefe ma le olioli
- ➡ Taimi o le faatafuna'ina ma le faamasinoga
- ➡ Taimi o le ola ma le oti
- ➡ Taimi e alofa ai ma ia alofaina

# TAIMI O TIGA MA LE LAVEA'IGA

**"Aue! Aua o le aso tele lea, e leai sona tusa; o ona po lava ia o le puapuaga o Iakopo; ae faaolaina ai o ia" (Jeremia 30:7)**

**"Ua tatou ola nei i le taimi o le iuga. O faailoga o le a vave ona faataunuuina, o ia taimi ua faailoa mai ai ua lata lava le afio mai o Keriso. O aso o loo tatou ola ai e mamalu ma taua." (EGW, TI9, 11). O a nei mea o le a tutupu?**

**Faaaliga 22:11**



**O le a muta le faamasinoga ma ua maua le iuga o mataupu uma. Ua tapunia foi ma le faitotoa o le alofa tunoa**

**Isa. 8:21-22; Ier. 30:7**



**Taimi o mafatiaga. O le amioleaga o le a aunoa ma se amio pulea, a'o le amiotonu e le iloa po ua faamagaloina i latou.**

**Faaal. 15:7-8; Sal 27:5**



**O mala mulimuli e 7 o le a pa'u lea i luga o e le salamō. Ae o le a leoleoina ma malutia e le Atua ona tagata**

**Faaal. 16:14; 1Ioa. 3:2-3**



**Ua saunia vaega taitasi e feiloai ma Iesu. O nisi e faasagatau atu ia t la; ao nisi e talia o la ma le olioli.**

**Pe a faamutaina e Iesu Lana galuega o le fautua ma ua alu ese foi le Agaga Paia mai i a'i latou o ē le salamō, o le a faamaufaailogaina loa le iuga o tagata taitoatasi. O le a faaauau ona i ai pea o le fesoasoani ma le puipuiga faale-lagi, ae o le amioleaga o le a i lalo pea lea o le alofa mutimutivale o Satani. O le a faaalua e tagata taitoatasi i lana lava amio poo ai ua ia filifili e auauna atu i ai.**

# O TAIMI O LE FEFE MA LE OLIOLI

“Ua latou fai atu foi i mauga ma papa, Mafuli mai ia iā te'i matou ai le silafaga a Lē tietie i le nofoalii, ma le to'asa o le Tamai mamoe;” (Faaaliga 6:16)

Ua latou teena le Tulafono a le Atua; ua latou teena le vai o le ola ma ua latou eli mo i latou o “vaieli mavaevae” (Ieremia 2:13) e le talia ai ni vai.

O lea la ua latou faafesagai nei ma lo latou Faamasino. Na pau le mea e mafai ona latou faatalitali i ai o le to'asa ma le faafanoga. O ai o le a faasa'olotoina i latou?(Isaia 2:19; Faaaliga 6:16).



“O lea aso e faapea ai, Faauta, o lo tatou Atua lenei; sa tatou faatalitali ia te Ia, ua Ia faaolaina foi i tatou; o Ieova lava lenei, sa tatou faatalitali ia te Ia; tatou te fiafia ma olioli i Lana faaolataga” (Isaia 25:9)



Sa latou faamaoni i le Tulafono a le Atua; Sa latou inu i le vai o le ola (Faaaliga 21:6). O lea la ua latou faafesagai nei ma lo latou Faamasino. Na pau le mea o le faamoemoe mo lo latou faaolataga. O le a le mafai faapefea ona latou alalaga atu ma vivii? (Isaia 25:9; Faaaliga 15:3-4).

Ua ita foi Satani i le vaega o totoe (Faaaliga 12:17)

Na te faia tagata uma ia tapuai atu ia te ia ma usiusitai i ana tulafono (Faaaliga 13:15-17)

E tumau pea le faamaoni o le vaega o totoe i le Tulafono a le Atua (Faaaliga 14:12)

Ua sauni le lalolagi e faasaga tau i le Tamai mamoe(Faaal. 17:12-14)

Ua ia sauni e feiloai ma lona Atua (Amosa 4:12)

E faaumatia e Iesu ona fili uma i Lona Afio Mai (Faaaliga 19:11-15)

Ua avea foi faatasi ma Iesu i latou o e talitonu ia te Ia (Faaaliga 19:6-8)

# TAIMI O LE FAATAFUNA'INA

**"E matuā sasaaina le nuu, e matuā vetea lava; auā ua fetalai mai Ieova lenei fetalaiga" (Isaia 24:3)**

**Pe a afio mai Iesu, o le a toetutu mai le au paia o augatupulaga uma; ma e o ola faamaoni, e liua, o le a aveina a'e i latou i le Lagi e faatasi ma Iesu (1Tesalonia 4:16-17).**

**O le a oti le tagata amioleaga i luma o Iesu. O latou tino oti foi o le a folasia e le tanumia, mulimuli ane, o le a leai se faailoga o se mea e ola o totoe i le Lalolagi. (Ieremia 25:33; Faaaliga 19:17-21; Ieremia 4:23-26; Isaia 24:3).**

**O le taimi lea, o le a lokaina ai Satani ma ana agelu i le to e le gata mo le afe tausaga, ma e le mafai ona toe faaseseina soo se tasi (Faaaliga 20:1-3).**

**O le to (e le gata mai, o se nofoaga pogisa), o loo faamatalaina atoatoa lea o le tulaga o loo i ai le Lalolagi i lea lava taimi. E aunoa ma se ola faale-tagata, o le a leai foi se temoni e faaosoosoina ai. O le a avea ma se taimi e manatunatu ai i agelu fouvale, o loo noatia i filifili, e aunoa ma se avanoa e mafai ai ona alu ese mai ai i lea Lalolagi tuufua.**




# TAIMI O LE FAAMASINOGA

**"Na a'u iloa foi nofoalii, ma ua latou tietie ai, ua tuuina atu foi le faamasinoga ia tei latou; [...] ua latou ola foi, ma ua fai ma tupu faatasi ma Keriso i tausaga e afe"  
(Faaaliga 20:4)**

**Pe afai na faamanatuina mai le Faamasinoga ao lei oo i le Afio Faalua Mai, ma ua uma ona faataunuuna e lesu le faasalaga, ma tuuina atu le ola e faavavau i ai latou o e talitonu ia te la... O le a le uiga o lenei faamasinoga fou ua ia tei tatou?**

**Mo seneturi, na faaalua ai e le Atua Lona alofa ma ofoina atu le faaolataga i soo se tasi o le a ia talia. O le tupu tele ai foi lea o le leaga**



**I le taimi o le Faamasinoga, ua mafai ai e le lalolagi uma ma agelu faamaoni ona molimauina le faamasinoga tonu ma le alofa mutimutivale o le Atua i Lana faatautaiina o le agasala atoa ma le fouvale. O lenei, ua i o latou luma le tali moni o le pule faa-satani: ua na o se laueleele gaogao lava ma le faatafunaina.**

**Peita'i i tatou o e sa nonofo i se vaega o le laueleele a le fili i le taimi o nei feteena'iga, a ua faaolaina nei, o le a manaomia foi ona molimau atu i lea lava faamasinoga tonu ma le alofa mutimutivale o le Atua. I le faamasinoga o le meleniuma o le a tatou matuā talitonu atoatoa ai lava i le alofa o le Atua; ona o le a le mafai ona toe tula'i mai ai se leaga (Nauma 1:9).**

# TAIMI O LE OLA MA LE OTI

**“Aua faauta, o le a oo mai le aso e mu ai pei se umu; ona fai ai lea ma tagutugutu o saito o e faamaualuluga uma, atoa ma e fai amioleaga uma; e susunuina foi i latou i le aso o le a oo mai, ua fetalai mai ai Ieova o 'au; e le faatoeina ai mo i latou se aa poo se la laau.” (Malaki 4:1)**

**“A'o outou o e matata'u i Lo'u igoa, e alu ae ia te outou le La o le amiotonu; e i ai foi le mea e malolo ai i ona apa'au; e o atu foi outou ma osooso, pei o tama'i povi mai le fale-povi.” (Malaki 4:2)**

I le faaiuga o le meleniuma, e toetutu mai ai le au amioleaga. Latou te toe talia le taitaiga a Satani, ma toe faasagatau atu i le Atua ma le au paia. E leai lava se mea e toe suia, aua o mea uma o le a faaumatia i le afi (Faaaliga 20:5-9).

A'o lei faaumatiaina i latou, o le a umia le faamasinoga mulimuli. Ua fofolaina tusi, ma o le a iloa ai e tagata uma a latou lava amioga ma lo latou te'enaina o valaau alofa a le Agaga Paia. E talia e tagata uma le faamasinoga tonu a le Atua, ma ifo atu i o latou tulivae i Ona luma (Faaaliga 20:11-13; Isaia 45:23; Filipi 2:10).

E mamao lava mai le ola e faavavau (ia faasalaina e faavavau), e puapuagatia i latou i le “oti faalua” e leai se toetutu mai ai (Faaaliga 20:14-15; Salamo 37:20; Malaki 4:1; Isaia 26: 14).

O le a leai se toe oti poo se agasala. Ua oo i le taimi e soloiesea ai loimata uma ae o le a fiafia ma olioli i le ola e faavavau (Faaaliga 21:4).





# TAIMI E ALOFA AI MA IA ALOFAINA

**“Na faaali mai Ieova ia te au anamua, ua faapea mai, O le alofa e faavavau, ua Ou alofa atu ai ia te oe; o le mea lea ua Ou faafualoaina ai Lo’u alofa ia te oe.” (Jeremia 31:3)**

**O le a sa tatou mea o le a faia i le Lalolagi Fou mo tagata uma e faavavau?**

**O le satauro o Keriso o le a avea ma faasaïenisi ma pese a le au togiolaina e oo i le faavavau.**

**I luga o [...] laufanua laugatasi to’afilemu, i le taufaasiusiuga [...] o alāvai ola, o le a maua ai [...] se nofoaga mo tagata o le Atua**

**E i ai mafaufau e ola pea o le a manatunatu ma le fiafia e faavavau i le ofoofogia o le mana foafoa.**

**O le a faatuputeleina le tomai uma**


**O le umiaina o le poto o le a le faavaivaia ai le atamai poo uma ai foi le malosi**

**O le a mafai ona faia o galuega silisili, o le a faamalieina foi se faanaunauta’iga sili atu ona maualuga, o le a iloa ai foi se faamoemoega sili**

**O mea fou ua faamaualugaina o le a faatoilaloina, o mea ofoofogia fou e taua lea o upumoni fou e malamalama i ai, o sini fou e lu’itauina ai le mafaufau o le agaga, loto ma le tino.**

**Latou te faasoa atu ma [tagata e lei pau’u] le oa o le poto ma le malamalama na maua i le tele o seneturi ma seneturi i le manatunatu i le galuega a le Atua**

**Faatasi ai ma se vaaiga manino, latou te mafaufau i ai i le faamamaluina o le Foafoaga: o la o fetu atoa ma le faatulagaina ua tuuina atu i a’i latou, ina ia siosiomia le Nofoalii o le Atua**



**“Ua faamutaina le finauga tele. Ua le toe i ai se agasala ma ni tagata agasala. Ua faamamāina le atulaulau uma. E tasi le tatā o le leo malie ma le tātā o le fiafia ona o le foafoaga tele. E mai ia te Ia o Lē na foafoaina mea uma, e tafe mai ai le ola, o le malamalama, ma le fiafia, i malo uma e le faatuaonia o le vateatea. Mai sina atomi ititi e oo atu i le lalolagi tele, o mea uma, o mea ola ma mea e leai ni ola, o loo faaaliali mai lo latou matagofie ma le olioli atoatoa, ma ua ta’utino mai ai le alofa matalasi o le Atua.”**

